

PITANJA I ODGOVORI ZA HATME - OSMA GODINA

1. Prouči suru „Et-Tin“?
2. Prouči suru „El-Inširah“?
3. Šta je zekat,i na koju vrstu imetka se daje?
4. Kome se daje zekat-kategorije?
5. Kome se nemože dati zekat,i kakva je razlika između zekata i sadekatul-fitra?
6. Ko je dužan obaviti hadž,i koje su radnje kod hadža farz?
7. Šta je tekbiri tešrik i kada se on uči?
8. Kada se kolje kurban, koje životinje mogu biti kurban,i kako ćemo podijeliti kurbansko meso?
9. Navedi nekoliko mekruha(šta je pokuđeno raditi) u namazu?

ODGOVORI

1. Prouči suru „Et-Tin“?

BISMILLAHI-R-RAHMANI-R-RAHIM

VET-TINIVEZ-ZEJTUN.

VE TURI SININ.

VE HAZEL-BELEDIL-EMIN.

LEKADHALAKNEL-INSANE FI AHSENI TAKVIM.

SUMME REDEDNAHU ESFELE SAFILIN.

ILLELLEZINE AMENU VE 'AMILUS-SALIHATI FELEHUM EDŽRUN

GAJRU MEMNUN.

FEMA JUKEZZIBUKE B'ADU BID-DIN.

ELEJSELLAHU BI AHKEMIL-HAKIMIN.

2. Prouči suru „El-Inširah“?

BISMILLAHI-R-RAHMANI-R-RAHIM

ELEM NEŠRAH LEKE SADREK.

VE VED'ANA 'ANKE VIZREK.

ELLEZI ENKADA ZAHREK.

VE REF'ANA LEKE ZIKREK.

FE INNE ME'AL-'USRI JUSRA.

INNE ME'AL-'USRI JUSRA.

FE IZA FERAGTE FENSAB.

VE ILA RABBIKE FERGAB.

3. Šta je zekat,i na koju vrstu imetka se daje?

Zekat je obavezno davanje jednog dijela imovine iz viška imovine siromašnim muslimanima i muslimankama ili u druge korisne svrhe Islamske zajednice,u cilju postizanja Allahovog zadovoljstva.

Zekat se daje na imetak u:

- Zlatu (91,6 gr) i srebru (641,5 gr);
- Živom blagu (stoci), i
- Ostalom što podliježe obračunu zekata.

4. Kome se daje zekat?

Zekat pripada sljedećim kategorijama:

- Siromašnim licima koji imaju nešto imovine ali koja nije dovoljna za podmirenje njihovih životnih potreba (EL-FUKARA);
- Sirotinji koja nema ništa od imovine (EL-MESAKIN);
- Onima koji prikupljaju zekat (EL-'AMILINE 'ALEJHA);
- Onima čija srca treba pridobiti u islam (EL-MU'ELLEFETU KULUBUHUM);
- Za oslobađanje iz ropstva (ER-RIKAB);
- Prezaduženim (EL-GARIMINE);
- Za potrebe na Allahovom putu (FI SEBILILLAH);
- I putnicima namjernicima (IBN SEBIL).

5. Kome se nemože dati zekat,i kakva je razlika između zekata i sadekatul-fitra?

Zekat se nemože dati:

- Imućnim licima niti njihovoj djeci tj., onima koji su i sami dužni davati zekat;
- Nemuslimanima i nemuslimankama;
- Roditeljima, djedovima, nanama i daljnjim precima u uzlaznoj liniji;
- Djeci (sinovima, kćerima, unučadima) i daljnjim potomcima u silaznoj liniji.

Razlika između zekata i sadekatul-fitra je u sljedećem:

- Zekat se daje na imovinu, a sadekatul-fitr na kućnu čeljad;
- Zekat se daje tokom čitave godine, a sadekatul-fitr samo za ramazan.

6. Ko je dužan obaviti hadždž,i koje su radnje kod hadždža farz?

Hadždž su dužni izvršiti muslimani i muslimanke koji su:

- Punoljetni;
- Umno i fizički zdravi;
- Slobodni i
- Imućni tj., koji posjeduju sredstva za troškove putovanja, koja preostaju od redovnih potreba porodice.

Farzova hadža ima tri, a to su:

- Obući ihrame-zanijetiti hadždž;
- Devetog dana zul-hidždžeta - uoči Kurban-bajrama boraviti na Arefatu (VUKUF NA AREFATU);
- Obaviti obilazak oko Ka'be sedam puta (TAVAFUZ-ZIJARE).

7. Šta je tekbiri tešrik i kada se on uči?

Tekbiri-tešrik je bajramski tekbir koji se uči od sabaha dana Arefata (tj. od 09. zul-hidždžeta) pa sve do četvrtog dana Bajrama, zaključno sa ikindija-namazom.

To znači da nakon što klanjamo farze bilo kojeg namaza, bilo u džematu ili ponaosob, nakon što predamo selam, prije riječi **ALLAHUMME ENTES-SELAMU**, treba da proučimo sljedeći tekbir: **ALLAHU EKBERULLAHU EKBER, LA ILAHE ILLALLAHU VALLAHU EKBER, ALLAHU EKBER VE LILLAHIL-HAMD.**

8. Kada se kolje kurban, koje životinje mogu biti kurban,i kako ćemo podijeliti kurbansko meso?

Kurban se obično kolje prvog dana Kurban-bajrama i to poslije klanjanja bajram-namaza. Ako se kurban ne zakolje prvog dana može se zaklati i kasnije, a najdalje do trećeg dana Bajrama do prije zalaska Sunca.

Za kurban se može zaklati veliki kurban (bik, krava ili deva) koji može vrijediti za sedam osoba ili sitna stoka (ovca ili koza) koja vrijedi kao kurban samo za jednu osobu.

Kurbansko meso se dijeli na tri dijela. Jedna trećina se ostavlja za potrebe porodice. Jedna trećina se daje siromašnim, a jedna trećina se podijeli rodbini, prijateljima i komšijama.

9. Navedi nekoliko mekruha (šta je pokuđeno raditi) u namazu?

Mekruh u namazu je:

- U namazu podignuti glavu;
- Igrati se u namazu bilo kakvim predmetima;
- Okrenuti lice od Kible;
- Klanjati okrenut prema ljudskom licu;
- Protezati se;
- Zijeovati makar i nehotice.